



ԱՇԽԱՏՈՒԹՅՈՒՆՆԵՐ

ՀԱՅԱՍՏԱՆԻ
ՊԱՏՄՈՒԹՅԱՆ
ԹԱՆԳԱՐԱՆԻ

1(13)

HISTORY MUSEUM OF ARMENIA

PROCEEDINGS
OF THE HISTORY MUSEUM OF ARMENIA
№ 1(13)

МУЗЕЙ ИСТОРИИ АРМЕНИИ

ТРУДЫ МУЗЕЯ ИСТОРИИ АРМЕНИИ
№ 1(13)

YEREVAN 2024 ЕРЕВАН

ՀԱՅԱՍՏԱՆԻ ՊԱՏՄՈՒԹՅԱՆ ԹԱՆԳԱՐԱՆ

ԱՇԽԱՏՈՒԹՅՈՒՆՆԵՐ
ՀԱՅԱՍՏԱՆԻ ՊԱՏՄՈՒԹՅԱՆ ԹԱՆԳԱՐԱՆԻ
№ 1(13)

ԵՐԵՎԱՆ 2024

*Տպագրվում է Հայաստանի պատմության թանգարանի
գիտական խորհրդի որոշմամբ*

Հրատարակվում է 1948 թվականից

Խմբագրական խորհուրդ՝

*Նժդեհ Երանյան. պ. գ. թ. – նախագահ,
Նելլի Կարապետյան – պատասխանատու քարտուղար
Արա Սանճեան, PhD (ԱՄՆ), Արսեն Բոբոխյան, պ. գ. թ.,
Համլետ Պետրոսյան, պ. գ. դ., պրոֆեսոր, Համո Սուքիասյան,
պ. գ. թ., դոցենտ, Հարություն Մարության, պ. գ. դ., Հռիփսիմե
Պիկիցյան, պ. գ. թ., դոցենտ, Հրաչ Զիլինկիրեան, PhD (Մեծ
Բրիտանիա), Մխիթար Գաբրիելյան, պ. գ. թ., դոցենտ,
Պավել Ավետիսյան, պ. գ. դ., ՀՀ ԳԱԱ թղթակից անդամ,
Ռոբերտո Դան, PhD (Իտալիա), Ռուբեն Վարդանյան, պ. գ. թ.,
Տորք Դալալյան, ք. գ. թ.*

ԲՈՎԱՆԴԱԿՈՒԹՅՈՒՆ

ՊԱՏՄՈՒԹՅՈՒՆ ԵՎ ԱՐԽԻՎԱԳԻՏՈՒԹՅՈՒՆ

Անդրանիկ Եսայան

Տավուշ գավառի հոգևոր-մշակութային կյանքը 17-րդ դարում 8

Իրինա Բադայան

Այլախոհական և իրավապաշտպան շարժումները
խորհրդային հայաստանում 1960–1980-ական թվականներին 19

Սամվել Պողոսյան

Տիրան արք. Ներստյանի արխիվը Երուսաղեմի
Հայոց Պատրիարքության Մայր Դիվանում (տեղեկագիր) 37

ԴՐԱՄԱԳԻՏՈՒԹՅՈՒՆ

Մարսին Եվադյան

Նախնական դիտարկումներ Միտրիդատ I թագավորի դրամի մասին,
չիրապարակված կորպուս և մտորումներ նրա թագավորական
գաղափարախոսության մասին 52

ԱԶԳԱԳՐՈՒԹՅՈՒՆ

Ասրդիկ Իսրայելյան

Հայկական գաղթավայրերից մի քանիսի ոսկերիչները 70

Հրազդան Թորմաշյան

Պաշտամունքային կառույցները ասեղնագործություններում 92

Արտակ Ասարբյան

Խորանագարդ սինիներ (ըստ ՀԱԹ, ՀՊԹ, ԵԲՊԹ, ԿԵԹ և ԴԵԹ նյութերի) 99

ԹԱՆԳԱՐԱՆՆԵՐ ԵՎ ՀԱՎԱՔԱԾՈՒՆԵՐ

Լիաննա Գևորգյան

Ջանգվածային մշակութային միջոցառումները որպես
ժամանակակից թանգարանի գործունեության ակտիվացման միջոց 122

Սեդա Գալստյան

Հավերժի ճանփորդներ. Անկատար երազանքներ ցուցադրությունը 136

Տաթևիկ Սարոյան

Մորճի առօրեականության պարմության թանգարանային
ներկայացումը և շարունակական կրթության բաղադրիչը 149

Մանե Խառապյան

Ճապոնական ուկիյո-է գրաֆիկական աշխատանքների
ՀՊԹ-ում պահվող հավաքածուն 164

Ասրդիկ Միմոնյան

Հնագիտական առարկաների վերականգնում. խեցեղենի
վերականգնման առանձնահատկությունները 192

ԼՈՒՍԱՆԿԱՐՆԵՐ

199

Սեդա Գալստյան

Հայաստանի պատմության թանգարան
sedagalstyan@yahoo.com

ՀԱՎԵՐԺԻ ՃԱՄՓՈՐԴՆԵՐ. ԱՆԿԱՏԱՐ ԵՐԱԶԱՆՔՆԵՐ ՑՈՒՑԱԴՐՈՒԹՅՈՒՆԸ*

Հիմնաբառեր. հավերժի ճամփորդ, Արցախյան պատերազմ, հայրենիք, անմահություն, հերոսներ, անավարտ երազանքներ, պատմության դասեր

Ներածություն

2020 թ. նոյեմբերից Հայաստանի պատմության թանգարանը սկսեց հավաքել Արցախյան 2-րդ պատերազմում զոհված հայորդիների մասին տեղեկություններ, նյութեր, տեսաժապավեններ, անձնական իրեր և հուշեր: Թանգարանը ստացավ բազում արձագանքներ Հայաստանի տարբեր շրջաններից: Այսօր, համագործակցելով Հ.Բ.Ը.Մ-ի հետ, «Հավերժի ճամփորդները. անուններ, պատմություններ և երազանքներ, որոնք մեզ հետ են» ծրագրի շրջանակում պատրաստվել է առցանց ցուցադրություն՝ հանրագումարի բերելով հավաքչական աշխատանքի արդյունքում թանգարանում կուտակված նյութը: Ցուցադրությունը բաղկացած է երեք բաժնից. ա. Արցախի հիմնահարցի համառոտ պատմություն, բ. Հավերժի ճամփորդներ..., անկատար երազանքներ, գ. Հիշողություն և կյանքի շարունակականություն: Ցուցադրության յուրաքանչյուր մաս ունի համապատասխան գիտական հոդված իր պատկերասրահով: Առաջին մասում մանրամասն ներկայացված է Արցախի հիմնահարցի պատմությունը մինչև մեր օրերը: 2-րդ մասում ներկայացված են մեր քաջորդիների կյանքից դրվագներ՝ հերոսության դրսևորումներով, ովքեր դարձան նոր պատմության կերտողները, իրենց օրինակով կերտելով վեհանձն զինվորի կերպարը, հավատարիմ մնալով իրենց նշանաբանին՝ «կյանքս հայրենիքիս, հոգիս՝ Աստծուն, պատիվս՝ ինձ»: 3-րդ մասում ներկայացված է ինչպես հասարակությունը մշակեց մեխանիզմներ պատերազմական տրավմայի հաղթահարման համար՝ զոհված զինծառայողների նկարները տարբեր շինությունների պատերին նկարելու երևույթը և որդեծությունը հատկապես որդեկորույս ընտանիքներում: Այսօր ականատես ենք նաև մեր քաջերի երազանքների իրականացման դրսևորումներին: Հայորդիներն իրենց սխրանքներով դարձան հայոց պատմության մի մասնիկը՝ գրելով իրենց անունները «Հավերժի գրքում», կիսատ թողեցին բազում երազանքներ՝ չխնայելով ամենաթանկը՝ կյանքը: Հոդվածը ներկա-

* Ստացվել է 13.03.2024, ուղարկվել է գրախոսման 14.03.2024, ընդունվել է տպագրության 01.07.2024:

յացնում է այս տարիների կատարած աշխատանքը հետազոտական տարբեր ուղղություններով:

Արցախը կյանքի ճանապարհին

Արցախը բոլոր ժամանակներում իր տեղն ու դերն է ունեցել հայ ժողովրդի ազգային ազատագրական պայքարում: Դարեր շարունակ Արցախն ու Սյունիքը եղել են Արևելյան Հայաստանում ծավալված ազատագրական շարժումների հիմնական կենտրոնները: «Շուրջ 70 տարի կոմունիստական կուսակցությունը փորձում էր ԽՍՀՄ-ում բնակվող հարյուրից ավել ազգություներին համոզել, թե երկրում ազգային հարցը հաջողությամբ ու վերջնականապես լուծված է» (Մինասյան 2013, 59–60): 1985 թ. հետո Խորհրդային Միությունում սկսված ազատագրական շարժումների ծավալումը գործաչովյան այսպես կոչված «վերակառուցման» անմիջական հետևանք էր: Իր ազգային արժանապատվությունը, «ոտնահարված իրավունքները» (Բալայան 2011, 263) պաշտպանելու համար առաջինը հանդես եկավ արցախահայությունը, որը չէր հաշտվել իր պատմական տարածքները Ադրբեջանին բռնակցելու և Ադրբեջանի իշխանությունների հակահայկական քաղաքականության հետ: Նրա պայքարը սահմանադրական ճանապարհով մայր հայրենիքի՝ Հայաստանի հետ վերամիավորվելն էր: 1988–1994 թթ. Արցախի Հանրապետության դեմ Ադրբեջանի Հանրապետության ագրեսիայի հետևանքով ծագած զինված հակամարտությունը վերաճեց հայ-ադրբեջանական՝ 1991-ից լայնամասշտաբ պատերազմի, որի արդյունքում ադրբեջանական իշխանությունները հարկադրված էին Ռուսաստանի միջնորդությամբ և Մինսկի խմբի օգնությամբ 1994 թ. մայիսին հրադադար խնդրել: 1994 թ. մայիսին Մոսկվայում «բանակցություններն ավարտվեցին մայիսի 14-ից զինադադարի հաստատումով» (Բալայան 2011, 275): Սա Արցախյան առաջին պատերազմն էր: «Արցախցու անխորտակ նավը, անցնելով խռովահույզ օվկիանոսը, մաքառելով չարի ու բռնության դեմ, հասել է 21-րդ դարի ալեկոծ նավահանգիստը» (Բալայան 2009, 18): 21-րդ դարում աշխարհն ու աշխարհի տերերը աչք փակեցին մի դաժան ու անհավասար պատերազմի վրա, որը կոչվեց Արցախյան 2-րդ պատերազմ: 2016 թվականի ապրիլյան քառօրյա պատերազմից շուրջ չորս տարի անց հակառակորդը կրկին դիմեց զենքի ուժին՝ նախընտրելով այդ ճանապարհով հոգուտ իրեն լուծել արցախյան հիմնահարցը¹:

2020 թ. սեպտեմբերի 27-ի առավոտյան ադրբեջանական բանակը հրթիռահրետանային նախապատրաստությունից ու ԱԹՄ հարվածներից հետո հարձակման անցավ շփման գծի ողջ երկարությամբ:

1 Դեռևս անցած դարի 20-ական թթ. սկզբներին, խորհրդային իշխանության ջանքերով Արցախի լեռնային մասը, առանց նրա հիմնական բնակչության՝ հայության կամքը հաշվի առնելու, կուսակցության կովկասյան բյուրոյի 1921 թ. հուլիսի 5-ի անօրինական որոշմամբ բռնակցվել էր Խորհրդային Ադրբեջանին: Դրանից հետո Ադրբեջանի խորհրդային իշխանությունները ծրագրված աշխատանքներ էին սկսել Արցախը հայաթափելու համար: Լեռնային Արցախի բնակչությունը շուրջ 70 տարի պայքարել էր ադրբեջանական իշխանությունների հակահայ քաղաքականության դեմ: Արցախն այդ երկարատև ու դաժան գոյամարտի տարիներին շատ անմեղ զոհեր է տվել, բայց կնճիոր մնացել էր անլուծելի:

«Հայաստանի Հանրապետությունը, հայ ժողովուրդը պետք է ամուր ու միանշանակ կանգնի Արցախի ժողովրդի իրավունքների և ընդհանրապես հայ ժողովրդի իրավունքների պաշտպանության դիրքերում»²: «Այս պատերազմը թե՛ քաղաքացիական բնակչության և թե՛ զինվորականության կողմից հաճախ բնութագրվում է, որպես անմարդկային քառս, իսկ երբեմն նաև համեմատվում դժոխքի հետ» (Թադևոսյան 2022, 28):

Ցուցադրության հայեցակարգը

Մեր նպատակն է ներկայացնել 44-օրյա պատերազմում հավերժի ճամփորդներին, նրանց մասին պատմությունները՝ իրենց հերոսություններով, հարազատների նկարագրություններով, կյանքի ու մահվան ընկալումներով, իրենց արձագանքներով, կյանքում իրենց ունեցած երազանքներով, գրառումներով և պատերազմից հետո իրենց պատկերացումների իրագործումով: Հետազոտության ընթացքում առանձնակի ուշադրություն ենք դարձրել պատերազմի անմիջական մասնակիցների և նրանց հարազատների դիրքորոշումներին, կարծիքներին: Որպես նյութ օգտագործվել է գոհված զինվորների մտքերը, խոսքերը, անավարտ երազանքները, նրանց հարազատների բնութագրերը, մարտական օրագրերը, բանավոր պատմությունները, այս ամենը ընդհանրացվել և կատարվել են թեմատիկ վերլուծություններ: Այս հետազոտությունը փորձ է հենց գոհվածի հարազատից նրա մասին վերջին տեղեկություններն արձանագրելը, կենդանի մնացած ականատես ընկերներից նրանց կյանքի վերջին դրվագների կամ հերոսական քայլերի մասին պատմելը, ինչը նաև նպաստում է կարևոր հետևություններ անել պատերազմի ընթացքի և որոշ դրվագների մասին: Ներկայացվել են մոտ 200 գոհված զինվորների գործեր: Կատարվել է թեմատիկ և բովանդակային խմբավորումներ: Հոդվածի համար հետազոտության նյութ է ծառայել ՀՊԹ-ում (Հայաստանի պատմության թանգարան) մեր կողմից կատարված հավաքչական աշխատանքը, հենված թե՛ բանավոր, թե՛ գրավոր պատմությունների վրա: Օգտագործել ենք խորացված հարցազրույցները, նաև ձայնագրություններ: Արձանագրել ենք զինվորների մոտեցումները հետևյալ նկատառումներով. համարյա բոլորի մոտ եղել է **հեռախոսային վերջին զանգի պահը**, կարծես կանխազգալով իրենց մոտալուտ մահը, վերջին անգամ լսել են հարազատի, հատկապես մոր ձայնը: Թաթույր (և նրա նման շատերը) գոհվելու օրը զանգել է մորը՝ Գայանեին, ասել՝ «Հոգնած եմ, մի քիչ քնեմ, հետո կգանգեմ», իր հերոսության ներշնչանքի աղբյուրը Ազգային հերոս Մոնթեն էր, որդուն էլ կոչել էր նրա անունով, կանխազգալով մոտալուտ մահը ավելացրել է. «Մոնթենի լավ կնայեք, եթե գոհվեմ, արարողության ժամանակ թող հնչի կամավորի երգը» (Կրթություն, թիվ 48–49, 2020, 2):

Մայր և Հայրենիք. Ուսումնասիրելով նյութերը, արձանագրում ենք, որ շատերի մոտ մոր կերպարը (ուս հետ կիսվել են, գաղտնիք վստահել, երազանք պահել) ասոցացվել է հայրենիքի հետ, պահպանելով այն՝ պահպանում են իրենց տունը, մորը, ընտանիքը, հողը, իրենց պապերի պատգամը: «**Մամ ջան կարաս պար-**

2 Փաշինյան Ն., ՀՀ վարչապետ, ԱԺ 2020 սեպտեմբերի 27, <https://ampop.am/speech-by-prime-minister-nikol-pashinyan-at-national-assembly-september-27/>, մուտք՝ 10.06.2023

ծենաս ու հանգիստ քնես, էսօր տղեղ ամբողջ Հայաստանի հեթապահն ա», ասում էր Գևորգը³ պոստում կանգնած: Իսկ Գևորգ Գևորգյանը, ով 14 տարեկանից ապրում էր Գերմանիայում և իր սենյակի պատուհանից ծածանում եռագույնը, երազում էր հայրենիքի մասին: Պատերազմի լուրն առնելով՝ գալիս է Հայաստան: Մոր հարցին, թե ում է թողնում իրեն ու գնում, Գևորգն ասել է. «Մամ ջան, քեզ թողնում եմ հայրենիքիս, իսկ ես գնում եմ հայրենիքս պաշտպանելու»: Մորը միշտ հպարտությամբ ասում էր. «Դու իմ Հայաստան մայր թագուհին ես»: Պատերազմի առաջին օրերից եղել է Ջրականում (Ջաբրայիլ): Կատարել բազմաթիվ առաջադրանքներ⁴: Արամը⁵ մորն ասել էր. «Մամ հայրենիքը էտ էնա, որ մինչև վերջին շունչդ էլ պետքա կովես հայրենիքի համար, որ մեր պապերը հանգիստ ննջեն. Մամ ես նենց բան չեմ անի, որ դու ամաչես, Հպարտ կաց, որովհետև դու իմ ամեն ինչն ես, սպասի ծառայեմ, վերջացնեմ գամ հասնեմ քեզ»...

Թեմայի ուսումնասիրմանը օգնել են նաև որոշ զինվորների մարտական օրագրերը՝ Գարիկի⁶, Տիգրանի⁷ և ուրիշների. «այսօր շատ քիչ են նրանք հրապարակված, չի բացառվում, որ կյանքում դրանք ավելի շատ են և մի քանիսը դեռևս պարտրված են գաղտնիության տարբեր աստիճանի քողով, մի մասն էլ հեղինակների ցանկությամբ պարզապես չեն դարձվում բոլորի սեփականությունը...» (Գրիգորյան, Բաղդասարյան 2018, 21):

Նվիրում և հավատ հաղթանակի հանդեպ, կիսատ երազանքներ...

Այս տղաներն ունեցել են անսպառ հավատ հաղթանակի հանդեպ, անմահ-ցորդ նվիրում: Անմահացել են գիտակցումով: Երբեք տնեցիներին չեն ներկայացրել իրենց անհանգստությունը: ԱԹՍ-ի հարվածներից թաքնված լինելով տնեցիների զանգերին չպատասխանելուց հետո, երբ խոսել են, ասել են՝ քնած էին, նոր արթնացան, կամ կատակել՝ «կռիվ-կռիվ էինք խաղում»: Հրետանավոր Էդգար Բաղումյանը կրակոցների ձայնը ծիծաղի տակ էր թաքցնում: Նրանց ներկայությունը հայրենիքը զգում է ամեն պահ՝ «Արցախի հերոս» Մարգարյան Ալենը⁸, ում

3 Կիրակոսյան Գևորգ, Մատաղիսի ԿԱԴ(կրակային աջակցման դասակ)-ի հրամանատար, համոզված էր, որ հայրենիքի դարպասը՝ սահմանն է, զոհվել է Մատաղիսում 2020 հոկտեմբերի 11-ին, ՀՊԹ, Նգաֆ:

4 Գևորգյան Գևորգ, Ջրականում խոցել է 15 տանկ, 10 անօդաչու սարք, զոհված ընկերոջը չթողնելով մարտի դաշտում՝ զոհվել է ԱԹՍ-ի հարվածից, 2020 հոկտեմբերի 10-ին, ՀՊԹ, Նգաֆ:

5 Մկրտչյան Արամ, ըմբշամարտիկ, սիրահարվեց զինվորական գործին, երազանքն էր շարունակել ռազմական գործը, սիրում էր հայոց պատմությունը, զոհվել է Մարտակերտում, 2020 սեպտեմբերի 2-ին, ՀՊԹ, Նգաֆ:

6 Գարիկ Կիզիրյանց, Հորաթաղի դիվիզիոնի 3-րդ դասակի հրամանատար, զոհվել է նոյեմբերի 8-ին՝ Գիշիում, ունի մարտական օրագիր, ինչից կատարվել են մեջբերումներ՝ «Գար, դու առաջ մեզ հետ էիր մի քանի ժամ, հիմա՝ ամեն ժամը... Օրագիրը վերնագրված է՝ «Небесный солдат»:

7 Տիգրան Գալստյան, սերժանտ, ականանետային հաշվարկի հրամանատար, խոցել է 3 տանկ, զոհվել է 2020 հոկտեմբերի 31-ին, Մարտունի-2, ՀՊԹ, Նգաֆ:

8 Մարգարյան Ալեն, ռեժիսոր, մեղիա ոլորտի ուսանող, Թումոյում ֆիլմերի ստեղծման դասընթացավար, ընդունվել էր Բոստոնի համալսարան, զոհվել է Մատաղիսում 2020 սեպտեմբերի 30-ին: Արժանացել է «Արցախի հերոս» կոչմանը, ՀՊԹ, Նգաֆ:

մասին պատմում էր մայրը՝ տկն. Նազելին, սիրում էր կրկնել. «Աշխարհը պետք է սիրել, ոչ թե նրա վրա բարկանալ», գրում էր, ստեղծագործում 4 տարեկանից, պաշտում էր գիրքը: Սիրում էր կարդալ հեքիաթներ, ինքն էլ ապրում էր այնտեղ՝ ապրում ապագայի երազանքներով: Մտածում էր. «հանցագործ երեխաներ չկան, ամեն ինչ գալիս է խեղաթուրված մանկությունից»: Նրա շնորհը մանկավարժությունն էր, ուզում էր գիտությամբ գրավել աշխարհը, կիսատ մնաց նրա երազանքը⁹..., ով կարող էր «Նոր, Վեհ Մարդ կերտել», կրթել ու դաստիարակել: Պատերազմի ժամանակ ընկերոջն ասել էր՝ «Ջզում եմ մահվան շունչը» (Ասրյան 2021, 5): Վազգենի¹⁰ երազանքը գիտությունն էր, գիտնական էր ուզում դառնալ՝ անավարտ երազանք: Նրա անունով այսօր հիմնադրամ է բացվել, որի ողջ հասույթը ծառայելու է գիտության զարգացմանը: «Ուներ շրջասույթ. «Հերոս և քաջ է նա, ով 9 անգամ ընկնում է, 10 անգամ բարձրանում»: Ինքը շատ բարձրացավ, մենք մնացինք ներքևում», — ասում է ուսուցչուհին: Իսկ մայրը ողբալով կրկնում էր. «Հայրենիքին վատահեցի մի պահ, բայց հայրենիքը կորցրեց նրան, եթե լսում է Վազգենը հիմա, ես մի բան կխնդրեմ՝ «եթե կարող ես՝ ներիր»: Ռուբենը¹¹ աստղաֆիզիկոս Վիկտոր Համբարձումյանի շառավիղից էր, ընտրել էր նույն ճանապարհը: Երագում էր դառնալ հայտնի ծրագրավորող և նոր հայտնագործություններ անել մարդ-տեխնոլոգիա բնագավառում՝ հայտնվելով Վիկտոր Համբարձումյանի անվան կողքին, շատ էր հպարտանում նրա հետ ազգակցական կապով: Ընդունվեց համալսարան, գերադասեց ծառայել, հայրենիքի հանդեպ պարտքը կատարել, հետո ուսումը շարունակել՝ երազանքը մնաց անկատար: Հովհաննեսը¹², ում վրայից միշտ «ուժեղության հոտ» էր գալիս, մասնակցել է Ջրականում մղվող թեժ մարտերին, տեսակով՝ լուրջ, հասուն մտածող, ասում էր. «Պարտադիր չէ քո սխալի վրա սովորես, ուրիշների սխալի վրա էլ պիտի սովորես»: Մինչև վերջ մարտական տրամադրությամբ ոգևորեց իր ընկերներին և ընկավ հերոսի մահով: Ուսուցչուհին այսպես արտահայտվեց. «Ու մտածում եմ ավելի լավ է «հերոս» լինել, թե՛ լինել պարզապես մեր կողքին...»:

Մարդ-տեխնոլոգիա

Այս պատերազմը, ինչպես խոստովանում են մասնակիցները, յուրահատուկ էր նաև մարդ-տեխնոլոգիա առճակատմամբ, որը հաճախ հասել է ծայրահեղ անգործության: Վահեն¹³, ով մարտնչելուց բացի կատարել է բժշկի գործ, օգնել իր ընկերներին, կրկնում էր. «Մենք կիսո ողջ աշխարհը չի կարող նկարել»: Անմիջական

9 Երազանքն իրականություն է դարձել մայրիկի՝ Նազելի Տերտեյանի շնորհիվ, որը բացել է Ալենի երագած դպրոցը՝ 2022 թ.ամառային, հետագայում ավելի մեծ մասշտաբի...:

10 Վազգեն Գալստյան, ընդունվել էր ԵՊՀ ֆիզիկայի ֆակուլտետ, ապագա գիտնական՝ ֆիզիկոս, զոհվել է 2020.02.10: Նրա անունով բացվել է կրթական հիմնադրամ, որի հասույթը ծառայելու է գիտությանը, ՀՊԹ, Նգաֆ:

11 Համբարձումյան Ռուբեն, կառավարման դասակի հրամանատար, զոհվել է ավիառումբի պայթյունից, Մարտունիում 2020. 11. 22, ՀՊԹ, Նգաֆ:

12 Գաբրիելյան Հովհաննես, մասնակցել է 2016-ի քառօրյա պատերազմին, զոհվել է Ջրականում 2020 հոկտեմբերի 18, ՀՊԹ, Նգաֆ:

13 Վահե Ասատրյան, երագում էր բժիշկ դառնալ, զոհվել է Շուշիում, 2020 նոյեմբերի 11, ՀՊԹ, Նգաֆ:

մասնակիցներ, ովքեր պատերազմը զգացել են բառիս բուն իմաստով՝ իրենց մարմնի վրա: Արմենը¹⁴, Յուրին¹⁵ և Նրա նման տղաները մահվան աչքերի մեջ նայեցին, զոհեցին իրենց երազանքները, նպատակները, ապրած ու չապրած գարունները, որպեսզի մի ողջ ազգ շարունակի ապրել: Վասիլյան Ռաֆայելը¹⁶ փրկեց իր զինվորների կյանքը՝ խոցելով թշամու օդային թիրախները հրադադարից մի քանի ժամվա տարբերությամբ: Իր քարտեզագրության բարձր գիտելիքների, արագ կողմնորոշման շնորհիվ կարողացել է Հաղթություն շրջափակումից դուրս բերել իր զինվորներին: Մարտունի 2-ում առաջադրանքը փայլուն կատարելուց հետո լավել է գններալի կանչը. «Արծիվ 40, վերադարձիր, առաքելությունդ կատարեցիր... թշամու թիրախը ոչնչացված է», «նա ոչինչ կիսատ չէր թողնում, պատերազմն էլ կիսատ չթողեց», սակայն հերոսը չզգաց իր ուղղությամբ արձակած արկի հարվածը, չկասկածելով, որ ոչ միայն ինքն է որսում, այլ նաև իրեն են որսում, դարձավ հավերժի ճամփորդը... Ինքը սիրում էր կրկնել. «Будем жить (պետք է ապրենք)»։ Այո, պետք է շարունակենք ապրել հանուն նրանց պայծառ հիշատակի, հերոս եղբայրների... Մարդ Աստծո, տեսնես քեզնից ամուր էլ ինչ կա աշխարհում... Սամվելը¹⁷ առաջնորդ է եղել մարտի դաշտում, 7 անգամ ճանաչվել է «լավագույն ավագ» բոլոր դիրքերում: Երազանքը՝ բիզնեսից մինչև երկրի կառավարում, մնաց անավարտ: Կովել է ամենավտանգավոր գոտիներում, զինակից ընկերներին օգնել է պատսպարվել, ինքն ընկել «ՍՈՒ» կործանիչի հարվածից: Պատմության դասերը չսովորող Սամվելը դարձավ պատմության կերտող, դասագրքի հերոս: Նրա մասին դեռ պատմելու են բոլորը, ապագա սերունդները, որոնց համար չխնայեց կյանքը: Սամվելը դիրքում մատուռ էր կառուցել: Նոր սերունդը կազատագրի այն հողը, որտեղ Սամվելի թողած մատուռն էր: Իսկ Դավթի¹⁸ մասին, ով ջութակը փոխարինեց զենքով, ասում էին. «Մեր Դավիթը Փոքրիկ իշխանի հայի տեսակն էր, ով ամեն օր կարգի էր բերում սեփական մոլորակը», սակայն անգոր գտնվեց տեխնիկայի դեմ: Նորիկը¹⁹ երիտասարդ, ով ժպտում էր նաև տխուր պահերին: Առաջին պրակտիկան անցկացրել է ՀՊԹ-ում: Մեղրիից բերել են Ջրական (Ջաբրայիլ): Պատրաստ էր մինչև վերջ պաշտպանել իր հող հայրենին, ցավոք այդ ամենն արեց իր կյանքի գնով: Դպրոցական տարիներից տիրապետել է զենքի

14 Գալստյան Արմեն, ծառայել է Ջրականում, զոհվել է Մարտունի-2-ում հրազենային ծանր հարվածից, 2020. 02.11, մարտական ընկերոջը օգնելիս: «Արմեն, կարոտը քո անունն ունի, ուրախությունը՝ նույնպես, ցավն էլ...»:

15 Աղասարյան Յուրի, նախկին չեխովականը խոցել է թշամու Դ-30, կամագ իր հրետանիով: Պատերազմի ժամանակ ընկերները նկատելով, որ մտախոհ է, հարցրել են. «ընտանիքիդ մասին ես մտածում,- ասել է՝ ոչ, մարտական ընկերներիս...»: Զոհվել է Մարտունի 2-ում 2020 հոկտեմբերի 27-ին, ռումբի հարվածից, ՀՊԹ, Նգաֆ:

16 Վասիլյան Ռաֆայել Հովհաննեսի, մայրը, Հակաօդային պաշտպանության պետ(ՀՕՊ), զոհվել է Մարտունի-2, 2020 նոյեմբերի 9-ին:

17 Աստուկյան Սամվել, ծառայել է Հաղթություն, դիրքի ավագ, մականունը՝ «Սատանա», մինչ օրս ընկերները պատրաստում են նրա բաղադրատոմսով սուրճը՝ մուրաբա, սուրճ, խտացրած կաթ, զոհվեց 2020 հոկտեմբերի 9-ին, ՀՊԹ, Նգաֆ № 6249:

18 Դավիթ Դավթյան, զոհվել է Ջաբրայիլում հոկտեմբերին, 50 ընկերների հետ համարվել են անհետ կորած, գտնելով աճյունը՝ ամփոփել են Եռաբլուրում, ՀՊԹ, Նգաֆ:

19 Գասպարյան Նորիկ, դիպուկահար, հրաձիգ, զոհվել է հոկտեմբերի 10-ին Ջաբրայիլում, ՀՊԹ, Նգաֆ, № 6241:

վարվեցողության կանոններին, ռազմարվեստի գաղտնիքներին: Բարի, ժպտերես, ազնիվ, հավատարիմ, խելացի, ընկերասեր **մեր ՆՈՐՈՆ...** Նրա թևավոր խոսքերից էր. «Սովորական արևը հոգին չի ջերմացնում, այս կյանքում ուղղակի բաներ չեն լինում, կարոտը ամեն վայրկյան են առնում» և այլն:

Չինվորների արձագանքը պատերազմի բոթին

Շատ կամավորներ տարբեր պատճառներով ազատված են եղել ծառայությունից, սակայն պատերազմի լուրն առնելով ներկայացել են զինվորական կոմիսարիատներ. Արման Օհանջանյանը²⁰ զինկոմիսարիատում լսելով «չես կարող մեկնել» արտահայտությունը՝ պատասխանել է. **«Ես չեմ եկել հարցնելու տանում եք, թե ոչ, եկել եմ ասելու՝ գնում եմ»:** Հոկտեմբերի 1-ին Ջաբրայիլում էր: Կեսօրին զանգահարել է մորը՝ չանհանգստանա, պոստ ենք գրավել, հեռախոսներս կորցրել ենք, չգանգեք... 13:44-ին նամակ է ուղարկում: **«Մամ ինձ հետ ինչ էլ լինի, հիշիր, դու գլուխդ բարձր ես քայլելու: Պատերը ցրիվ են տվել, գալիս են մեզ վրա: Սիրում եմ Ձեզ, ինձ կներեք...»:** Պատերազմում օրհնած փայտե խաչը կախել է նորածին որդու վզին: (Դա այն պատգամն էր, որ որդին պետք է իրականացներ հոր անավարտ գործը): Ցանկանում էր ռազմական բժիշկ դառնալ, կիսատ մնաց երազանքը..

27 երկրներում բեմեր նվաճած տենորը՝ Գևորգ Հաճյանը²¹, պատերազմի լուրն առնելով, չէր գտնում իր տեղը, ուներ ոտքի խնդիր, կամավոր մեկնեց ճակատ՝ կնոջը խոստանալով մի քանի օրից վերադառնալ: Մեկնեց իր հայրենասիրական երգերով ոգևորելու հայ զինվորին, լինելու նրա կողքին դժվարին պահերին, ապահովելու հաղթական մթնոլորտը: Հայրենիքը նրա երգերի մեջ էր, նրա սրտում, սակայն... հիմա ինքն է հայրենի հողի սրտում, հավերժ փարված իրար: Նրանք՝ «Հավերժի ճամփորդները», իրենց պահվածքով ու գործողություններով ոչ միայն իրենց ծնողներին ու հարազատներին ներշնչեցին գլուխները բարձր պահել, այլ մեզ բոլորիս պատգամեցին՝ ներշնչվել իրենց սխրանքներով, ՈԳԻԴՆԵԼ(չկոտրվել), ու շարունակել իրենց անավարտ գործը:

Հերոսականության դրսևորումները

Պատերազմից հետո շատ է խոսվում հերոսականության մասին, համարյա բոլոր մասնակիցներին անվանում են հերոս, սակայն կան այդ հասկացության տարբերակումներ: Հասարակությունը միշտ գտնում է հերոսներ, թեկուզ եթե նրանք դիմադրում են: Հարազատները, իրենց հրամանատարները հաճախ պատմում են դեպքեր, որը բնորոշ է իսկական հերոսին, պետության, ապագայի հանդեպ պատասխանատվություն ստանձնողին: Նրանք չխնայեցին ոչինչ, նույնիսկ ամենաթանկը՝ կյանքը: Նրանք հաղթեցին մահին և անմահացան պատմության էջերում՝ պարգևատրվելով հայրենիքին մատուցած ծառայությունների համար

20 Արման Օհանջանյան, կամավոր, ավարտել է Հայրուսակ համալսարանը, 2020-ի մարտին ծավել է որդին, զոհվել է Իշխանաձորում հայկական համազգեստով ադրբեջանցիների կրակոցից 2020 հոկտեմբերի 21-ին, ՀՊԹ, Նգաֆ:

21 Հաճյան Գևորգ, օպերային երգիչ, տենոր, մենահամերգներ 27-ից ավել երկրներում, ունի 5 այլոմ, զոհվեց Վարանգաթաղում՝ Մատաղիս, 2020 հոկտեմբեր 6, ՀՊԹ, Նգաֆ:

տարբեր շքանշաններով ու պարգևներով: «Դուք չեք պարտվել, մեր լուսավոր եղբայրներ, դուք հաղթել եք, իսկ հաղթողները չեն մահանում, նրանք անմահանում են, ու իրենց տունը գտնում երկրից երկինք տանող ճանապարհին» (Մարության 2022, 72): Հերոսի մարտական ընկերները, ականատեսները պատմում են, որ քաջարի Գեղամը²² և նրա ընկերները զրահատեխնիկայով՝ ԲՄՊ (ՀՄՄ²³– 1) թշնամուն մեծ կորուստներ են պատճառել: Հոկտեմբերի 7-ի լույս 8-ի գիշերը նկատում են իրենց ընկերների շրջափակման մեջ ընկնելը, անմիջապես իրենց դիպուկ հարվածներով փրկում են 19 զինառայողի կյանք, փոխարենը կորցնելով իրենց սեփական կյանքը: Հոկտեմբերի 8-ը ավարտվեց առանց Գեղամի... 25 տարի առաջ, առաջին արցախյան պատերազմի ժամանակ՝ նույն վայրում, նույն տարիքում նույն սխարանքով անմահացավ իր անվանակից հորեղբայրը՝ Գեղամ Պավլենի Ավետիսյանը: Հայոց պատմությունը նոր ԳԵՂԱՄՆԵՐՈՎ կերտվեց... կարծես պատմությունը կրկնվում է, ճակատագիրը երկուսին էլ ընդամենը 20 գարուն նվիրեց... Ամեն մշակույթ ունի իր հերոսական պատմությունը: Զինվորներից շատերը դեմ են արտահայտվում իրենց հերոսականացմանը, նույնիսկ բարդ փորձություններով անցած մարդիկ գտնում են, որ այդպես էլ պետք է լիներ, ըստ նրանց հերոսություն էր, երբ փրկել են ընկերների կյանքեր, որովհետև ամենամեծ կորուստն են դա համարել, նաև դիրքը, հողը թեկուզ և մեկ թիզ ետ բերելը: Հետախույզ Նոյր²⁴ 8-ամսվա ծառայող էր: Առաջին անգամ ընկել են շրջապատման մեջ, ստեղծել են նահանջի տպավորություն, հավաքվել են և դժվարությամբ ետ վերադարձել: Երբ նկատել է, որ զինամթերքով մեքենան, որտեղ զինվոր էր մնացել, շրջվել է և ծխում է, նետվել է մեքենան, փրկել զինվորին, ով մահացել է ձեռքերի մեջ, երբ ասում էին հերոս, բարկանում էր, թե՝ «18 տարեկան երեխան ձեռքերիս մեջ մահացավ, ես ինչ հերոս»։ Հաջորդ առաջադրանքի ժամանակ զոհվել է: Հայրը ոստիկան էր, մինչև դպրոց գնալը խնդրել է հայրիկից իր համար ծառայողական գրքույկ պատրաստել, խնդրել է մորը՝ լրացնել այն: Հետո ինքնուրույն լրացրել դպրոցական տարիքում այն, ինչը իրականություն է դարձել հետագայում: Ընտանիքը մահվանից հետո գտել է այդ գրքույկը, որտեղ լրացված է եղել «Նոյ Լյովայի Թևոնյան, կոչումը՝ մայոր, հետախույզության պետ, 2020 թվ. ...»:

Շատերն են ընդունում, որ արդեն իսկ պատերազմին մասնակցությունը, նրա թոհուրեռի միջով անցնելը, աչքով այս ամենը տեսնելը՝ հերոսություն է: Շատ զինվորներ գնացել են հերոսական քայլերի՝ հրամանատարին վստահելով. «Հրամանատարը զինվորի ամենահուսալի թիկունքն է, սպաների անձնական օրինակը անչափ կարևոր էր: Զինվորը պիտի հենվի հրամանատարին, որ կարողանա խիզախորեն դիմակայել թշնամուն, ծայրահեղ բան պիտի ասեմ՝ պատերազմի դաշտում, զինվորը հայրենիքը սիրելուց առաջ պիտի իր հրամանատարին սիրի... հայ զինվորը ոգու զինվոր է, ոգին բարձր պահիր՝ մենակ կգնա 100 հոգու դեմ ու չի

22 Ավետիսյան Գեղամ, զոհվել է 2020 հոկտեմբերի 8-ին, ՀՊԹ, ՆԳՊՖ:

23 ՀՄՄ-1, հետևակի մարտական մեքենա:

24 Թևոնյան Նոյ, հետախույզ, մականունը՝ «Ռազվետկի պոնչ», ՌԴ-ից եկել է Հայաստան՝ ծառայելու հայրենիքին, զոհվել է Մատաղիսում 2020 հոկտ.9, ՀՊԹ, Նգպֆ:

կոտրվի...» (Գրիգորյան, Բաղդասարյան 2018, 511): Դավիթը²⁵ արդար, ազնիվ, խիզախ, երդմանը հավատարիմ լավ սպա ու լավ առաջնորդ էր յուրաքանչյուր զինվորի համար: Երբեք չի առաջնորդվել ուսադիրներով, նրան առաջնորդողը մարդկային որակներն էին, մարդասիրությունը վեր է եղել ամեն ինչից, զուսպ էր ու համեստ, բայց համեստության մեջ քողարկված էր անսահման սերը հայրենիքի հանդեպ ... նա գիտեր, թե ինչ բան է սահմանի մոտ արթուն գիշեր անցկացնելը, զինվորի հետ սոված մնալը, զինվորի հետ բաց երկնքի տակ լուսացնելը, անձրևի ու քամու հետ կռիվ տալը: Եղել է թե՛ հայր, թե՛ ծնող, թե՛ եղբայր, թե՛ լավ հրամանատար իր զինվորների համար: Երբ կատարած սխրանքների համար ներկայացրել են «Մարտական խաչ»-ի, ասել է՝ «Շնորհակալ եմ, պարոն գեներալ, հրաժարվում եմ այդ արյունոտ Մարտական խաչից, ինձ համար խաչը, թիկունքիս կանգնած իմ ամեն մի զինվորն է... Նրանք ինձ ողջ են պետք, ես հերոսություն չեմ արել, ես իմ պարտքն եմ կատարել հայրենիքիս, սուրբ երդմանս հավատարիմ մնալով երբեք չեմ ակնկալել ոչ մի հերոսական կոչման ու շքանշանի...»: Սակայն դրա կողքին տեսնում ենք նաև ցավալի դեպքեր, որտեղ հրամանատարն իր «տեղում» չի եղել, և ընկել ենք շրջապատման մեջ, զինվորները չեն վստահել նրանց: Այսօր ականատես ենք շատ դատերի, որտեղ թողնելով իր զինվորներին հրե ճարակի մեջ՝ փախել են մարտի դաշտից: Մարատը²⁶, ով տանկային ջոկատի հրամանատար էր, շարժվում էր Նժդեհի պատգամներով, ասում էր, որ պոլնեցի լինելը պատիվ է, պարտք Նժդեհի առջև: Զինվորը հարգում և սիրում էր իր հրամանատարին, նրան «Մարատ քեռի» են կոչել, ինքն էլ հպարտանում էր նրանցով, զոհվելուց առաջ կնոջը պատգամել է իր որդիներին՝ երկու առյուծներին լավ պահել...

Նոր պատմություն կերտողները

Հարությունը²⁷ տնեցիների հետ խոսելիս ասել է. «Նոր պատմություն ենք կերտում», չհասցրեց ավարտին՝ առաջնագծում էր, վիրավորվել է մարտում՝ ոչ մի բուպե չլքելով մարտադաշտը, հայտնվել են շրջափակման մեջ, դուրս եկել: Զոհվել է՝ փրկելով կյանքեր: Հրամանատարը խոստովանել է՝ «հպարտ է, որ Հարությանման զինվոր է ունեցել»: Անմահացավ՝ մնալով հայոց պատմության էջերում: Կարծում ենք՝ հիմնական ծանրությունը եղել է ժամկետային զինծառայողների վրա, ովքեր բարձր մարտական ոգի են ունեցել՝ նորոյա Սասնա ծռեր: Հրետանավոր Հայկը երագում էր՝ «Երանի գա, կայանա «Նոր հայր», լինեինք Նժդեհի ասած էդ սերունդը»: Հայ զինվորը հաղթել է: Նրանք բոլորը մեծ հավատով «Նոր պատմություն էին կերտում», ԴԱ ԱՅՆ ՍԵՐՈՒՆԴՆ ԷՐ, ՈՐ ՊԱՏՐԱՍ ԷՐ ՆՈՐ ԳՈՒՅՆԵՐ ՄՏՏՆԵԼ ԿՅԱՆՔՈՒՄ, դրանով հաղթահարելով պատերազմի չարի-

25 Նազարյան Դավիթ, 18 տարի ծառայել է ՀՀ Զինված ուժերում, նախընտրում էր լեռնային կյանքը, ոչ օֆիսայինը՝ «Ես առանց ինքնաթիռ օդաչու եմ», մեծ ներդրում է ունեցել բանակաշինության մեջ, 2018-ին ստացել է մայորի կոչում, զոհվել է Հաղորթում 2020 հոկտեմբերի 18, ՀՊԹ, Նգպֆ:

26 Խաչատրյան Մարատ, պահեստագորային սպա, լեյտենանտ, ապրիլյան պատերազմի մասնակից, Զրականում 30 հոգանոց տանկային դասակի հրամանատար, զոհվել է անօդաչուի հարվածից, 2020 հոկտեմբերի 5, ՀՊԹ, Նգպֆ:

27 Նիկոլյան Հարություն, ՀՊՄՀ-ի պատմության ֆակուլտետի ուսանող, զոհվեց Կարմիր Շուկայում, 2020 նոյեմբերի 3-ին, ՀՊԹ, Նգպֆ, № 6252:

քը: Այս սերունդը իր կյանքի գնով մեզ կյանք շնորհեց: Մի բոտ երկիր ու անթիվ ցայտաղբյուրներ, բոլորի վրա սիրտ մաշեցնող թվեր՝ «18», «19», «20»:

Պատերազմը վերաթևոցեց կյանքի, խաղաղության մասին ընկալումները

Հոդվածում կարևորել ենք պատերազմի նկարագրության բարոյական ընկալումը: Այս պատերազմը կարևորեց, վերաթևոցեց կյանքի, խաղաղության մասին ընկալումները: Նաև առաջնային կարևորություն տրվեց հայրենիքը ոչ թե խոսքով, այլ գործով սիրելուն: Գնդացրորդ Գրիգորը²⁸ իր ձեռքով վերանորոգել էր տունը՝ տեղադրելով պահապան Խաչը՝ ինքնության վերաիմաստավորումը: Ծառայության ընթացքում արժանացավ բազմաթիվ շքանշանների և պատվոգրերի: Ստեղծեց լայն ու հոգեհարազատ շրջապատ և կերտեց հայ զինվորի վեհ կերպարը: Առաջնորդվեց «կովի՛ր այնպես, որ քո ընթացքով հեշտացնես քեզնից հետո միևնույն նպատակի համար կռվողների գործը»: Փրկեց իր մարտական ընկերներից շատերի կյանքը, քսանօրյա ծանր մարտերից հետո հոկտեմբերի 15-ին հավերժ զինվորագրվեց իր մարտական ընկերներից շատերի նման... Հայ զինվոր **«քո ներկայությունը միշտ զգում է մեր սուրբ հայրենիքը, քո բազկի ուժը միշտ հասու է լինելու նենգ թշնամուն»**... Այո՛, պատերազմը ավերում է ամեն ինչ՝ «Պատերազմը հատկապես, երբ հարձակվում են քեզ վրա քանդում է ամեն ինչ: Կազմաքանդում է այն աշխարհը, և նաև կազմաքանդում է այն մարդուն, որն այս կամ այն կերպ անցել է պատերազմի միջով» (Թադևոսյան 2022, 9): Հետո մարդիկ հաճախ են խոստովանում, որ էլ նախկինը չեն, որում մարդն ապրում է, վերաթևոցեց իր ամեն ինչ իր շուրջը:

ՈՄԱ(Ողջ Մնալու Արվեստը) ռազմահայրենասիրական հասարակական կազմակերպության հիմնադիր Վարդանով Վովան նշում է. «Մեր բանակը լավն էր, բայց հին էր, մենք պարտվել ենք թուրքական ժամանակակից բանակին» (Վարդանով):

Դավթի պատգամն էր՝ հայ սպաներ... **«Լավ է մեռնել՝ քան թե ապրել մեռնելու համար»**: «Հայ սպա, սրիդ վրա գրիր իմ այս խոսքը, որ նրա ոգով դաստիարակես զինակիցներին, քանզի միայն հայրենապաշտ և արիացուցիչ դաստիարակությունն է, որ ուժ պիտի տա քեզ և զինվորին հաղթելու մահը»:

Գևորգի կինը՝ Ֆրիտա Ներսես Մկրտիչը գրում է «կայ մեկ իրականություն՝ Դուք մեր կողքին չեք, և մենք տկար ենք ու անգոր, ուժ տուեք մեզի, Ձեր այդ ուժն էր գացիք մարտի դաշտ՝ յանուն յաղթանակի յանուն պաշտպանության, յանուն լոյսի ու խաղաղության»²⁹: Ժամանակները կանցնեն, բայց մենք չենք հաշտվի վաղվա խաղաղ օրվա համար հավերժի ուղին բռնելու Ձեր տղամարդկային որոշման հետ: Տվեցիք կյանքեր հանուն... Հավատարիմ մնացիք Ձեր նշանաբանին՝ «Կյանքս՝ հայրենիքիս, հոգիս՝ Աստծուն, պատիվս՝ ինձ»:

²⁸ Դավթյան Գրիգոր, ՀՊԹ, Նգաֆ:

²⁹ Որդուս ՀԿ (Vordus NGO), Ֆրիտա Ներսես Մկրտիչ, <https://www.facebook.com/vordusngo>, 02.06. 23:

Հիշողություն և կյանքի շարունակականություն

Մեր առցանց ցուցադրության վերջին բաժինը վերաբերում է հիշողությանը և կյանքի շարունակականությանը:

2020 թվականի 44-օրյա պատերազմի ընթացքում և ավարտից հետո սկսվեց և լայն տարածում ստացավ գոհված զինծառայողների նկարները տարբեր նշանակության շինությունների պատերին նկարելու գործընթացը: Այս նկարները հայտնի են հայրենասիրական գրաֆիտիներ անվամբ: Չնայած նախադեպերին՝ պատերազմի ավարտից հետո՝ գոհված զինծառայողների նկարները նկարելու երևույթը ձեռք բերեց մի շարք առանձնահատկություններ, որոնք բնորոշ չէին նախորդ դեպքերին: Եթե մինչ պատերազմը հերոսներին նկարում էին տարբեր անհատներ՝ անձնական նախաձեռնությամբ, ապա պատերազմից հետո՝ գոհված զինծառայողների պատկերումը դարձավ պատվերով: Պատվիրատուները գոհված զինծառայողի հարազատներն են, ծնողները կամ ուղղակի համայնքի անդամները: Այս երևույթը ցավի արտահայտման, սփոփանքի, հերոսի հիշատակը վառ պահելու, նրան ճանաչելի դարձնելու և կրտսեր սերնդին նրա հերոսության օրինակով դաստիարակելու նշանակություն ունի:

Պատերազմից հետո հասարակության մեջ՝ հատկապես որդեկորույս ընտանիքներում նկատելի դարձավ մի շատ կարևոր դրական միտում՝ նոր երեխայի ծնունդը: Շատ ծնողներ անկախ տարիքից որոշում կայացրին երեխա ունենալ՝ որպես նոր վերածնունդ, որպես կյանքի շարունակության գրավական, որպես ապրելու նոր իմաստ: Երեխայի ծնունդը շատ ծնողների հնարավորություն տվեց սփոփանքի նշույլ գտնել կյանքը շարունակելու համար: Նոր սերունդը եկավ լրացնելու ավագ սերնդի բացը՝ հանուն նոր, լուսավոր ապագայի: Այդ ընտանիքներում նորից վառվեց մարած ճրագը, եկան իրագործելու իրենց ավագ եղբայրների անկատար երազանքները, շենացնելու իրենց տունն ու հայրենիքը: Իրականացրել ենք գործուղում-հանդիպում Հայաստանի տարբեր շրջաններում որդեկորույս մայրերի հետ, ովքեր նոր ծնունդ ունեն իրենց ընտանիքներում և ինչ-որ չափով նորածին Սամվելները, Արեգները, Արամայիսները....սփոփել են նրանց վիշտը՝ վերադարձնելով կյանք: Կարևորել ենք նաև գոհված քաջերի կիսատ երազանքների իրականացումը, որն իրականացվում է ծնողների, հարազատների, մտերիմների նախաձեռնությամբ: Օտար բեմեր նվաճած երգիչ Գոռ Թումանյանի երազանքը շուտով հայրը կիրականացնի Արտաշատում՝ բացելով երաժշտական դպրոց, Ալեն Մարգարյանի երազանքը կիրականացվի. «Դեֆանս» թաղամասում՝ կբացվի Ալենյան արժեհամակարգին բնորոշ դպրոցը, իսկ 2022 թվականից գործում է Ալենյան ամառային դպրոցը: Այսօր կյանքի է կոչվել Վազգեն Գալստյանի անվան կրթական հիմնադրամը, որը գործում է «Ես ապրում եմ» կարգախոսի ներքո, ֆինանսական աջակցություն է ցուցաբերում կրթության և գիտության ասպարեզում աչքի ընկած հայ երիտասարդներին ...և այսպես կարելի է երկար թվարկել իրականացվող երազանքների ցանկը և ականատես լինել մեր հերոս տղաների իրականացող երազանքների նոր թռիչքներին:

Եզրակացություն

Ուսումնասիրելով 44-օրյա պատերազմում զոհվածների գործերը, նրանց պատմությունները, հանգեցինք հետևյալին. ընդունելով մեր հերոսների մոտեցումները պատերազմին, նրանց բնութագրումները, կիսատ, անավարտ մնացած երազանքները, կատարվեցին հետևյալ նկատառումները՝ ա. համարյա բոլորի մոտ եղել է հեռախոսային վերջին զանգը, բ. Հիմնականում մոր կերպարը ասացվել է հայրենիքի՝ Մայր Հայաստանի հետ, գ. զոհելով իրենց կյանքը՝ փրկել են այլ կյանքեր, դ. փորձեցին կերտել նոր պատմություն իրենց չհանձնվող տեսակով, ե. վերաբժնորվեց կյանքի, խաղաղության ընկալումները, գ. առաջնային կարևորություն տրվեց հայրենիքը ոչ թե խոսքով, այլ գործով սիրելուն, է. իրենց օրինակով ստեղծեցին Նոր, Վեհանձն զինվորի կերպարը...

ՕԳՏԱԳՈՐԾՎԱԾ ՍԿԶԲՆԱԴԲՅՈՒՐՆԵՐԻ ԵՎ ԳՐԱԿԱՆՈՒԹՅԱՆ ՑԱՆԿ

Թանգարանային հավաքածուներ

ՀՊԹ (Հայաստանի պատմության թանգարան), Նգաֆ (նորագույն պատմության ֆոնդ) գ/գ 19824, ք/մ 6239-6240, գ/գ 19825, ք/մ6242, գ/գ 19826, ք/մ6249-6251, գ/գ 19827, ք/մ6252-6253, գ/գ 19828, ք/մ6254-6258, Նգաֆ 160 թղթապանակ:

Ուսումնասիրություններ

ԲԱԼԱՅԱՆ 2009 – Բալայան Վ., *Լեռնային Ղարաբաղ, պայմական անցյալն ու ներկան*, Երևան, «Ջանգալ» հրատարակչություն, 2009:

ԲԱԼԱՅԱՆ 2011 – Բալայան Վ., *Արցախի պայքարն, հնադարից մինչև մեր օրերը*, Երևան, «Ջանգալ» հրատարակչություն, 2011:

ԳՐԻԳՈՐՅԱՆ, ԲԱՂԴԱՍԱՐՅԱՆ 2018 – Գրիգորյան Ա., Բաղդասարյան Բ., *Հայրենիքին նվիրված ծառայելու պայքարասրահայնությանը*, Երևան, «Ոսկան Երևանցի» հրատարակչություն, 2018:

ԹԱՐԵՎՈՍՅԱՆ 2022 – Թադևոսյան Ա., *Պայքարագմբ մասնակիցների պայքարություններում. մարդաբանական հետազոտություն*, Երևան, Եվրասիա համագործակցություն հիմնադրամ, 2022:

ՄԻՆԱՍՅԱՆ 2013 – Մինասյան Է., *Հայաստանի երրորդ հանրապետության պայքարություն*, ԵՊՀ հրատ. Երևան, 2013:

КИЗИРАНЦ 2022 – Кизирани Г., *Небесный солдат*, Ереван, 2022.

Պարբերական մամուլ

ԿՐԹՈՒԹՅՈՒՆ – «Կրթություն», շաբաթաթերթ, թիվ 48–49, Երևան, 02.12. 2020:

ՄԱՆԿԱՎԱՐԺԱԿԱՆ ՀԱՄԱԼՍԱՐՄԱՆ, թերթ, Երևան, 12 մայիս 2021:

Էլեկտրոնային նյութեր

Նիկոլ Փաշինյանի ելույթը ԱԺ-ում. պատերազմ Արցախում, <https://ampop.am/speech-by-prime-minister-nikol-pashinyan-at-national-assembly-september-27/>, 10.06.2023:

Վովա Վարդանով, Մեր բանակը լավն էր, բայց հին էր, մենք պարտվել ենք թուրքական ժամանակակից բանակին, AD TV, <https://www.youtube.com/watch?v=1k2kvWkgiZk>, 10.06. 2023:

Seda Galstyan

History Museum of Armenia
sedagalstyan@yahoo.com

TRAVELERS OF THE ETERNAL: UNFULFILLED DREAMS

Keywords: traveler of the eternal, Artsakh war, motherland, immortality, heroes, unfulfilled dreams, victory

On September 27, 2020, the 2nd Artsakh war began, and in the 21st century the world and its leaders did not pay attention to this cruel and unequal war. This 44-day war is considered a new generation of war fought by weapons, and not by man. The History Museum of Armenia, just after the end of the war, began the 1st stage of collecting works, dedicated to the life and activity of our soldiers. Until now, we have materials on about 220 dead soldiers, including photographs, state awards, biographies, memories and personal goods. The research material was collected on the basis of oral and written stories. Military diaries, in-depth interviews were used. We attached particular importance to the unfulfilled dreams of the “Travelers of the Eternal”, some of which were fulfilled with the help of their relatives. During the study, analyses were carried out and we classified them in the following sections - a. Last call, b. Mother and homeland, c. Reaction to news about the war, d. Versions of the concept of a hero, e. Human-technology confrontation, f. Creators of new stories, g. Reassessment of life and the world, loving their homeland in deeds, not in words.

We hope that our study is a new look at the multi-layered 44-day war, which highlights the unchanging devotion and faith in the victory of our heroic soldiers, their unfulfilled dreams, with the help of their thoughts, words, eyewitness accounts. The online exhibition “Travelers of the Eternal” is already available in the History Museum of Armenia. It consists of three parts. 1.A brief history of Artsakh issue 2. Travelers of the eternal...unfulfilled dreams, 3. Memory and the continuity of life.

Седа Галстян

Музей истории Армении
sedagalstyan@yahoo.com

ПУТНИКИ ВЕЧНОГО, НЕСБЫВШИЕСЯ МЕТЧЫ

Ключевые слова: Путник вечного, Арцахская война, родина, бессмертие, герои, незавершённые мечты, победа

27-го сентября 2020 г. началась 2-я арцахская война и в 21-ом веке мир и сильные мира сего не обратили внимание на эту жестокую и неравную войну. Эта 44-х дневная война считается войной нового поколения, где сражалось оружие, а не человек. Музей истории Армении, сразу после окончания войны, начал 1-й этап работы по сбору материала, которая была посвящена жизни и деятельности наших погибших солдат. До сих пор мы имеем дела около 220 погибших солдат, среди которых – фотографии, государственные награды, биографии, воспоминания и личные вещи. Исследовательский материал был собран на основе устных и письменных историй. Были использованы военные дневники, углубленные интервью. Мы придали особую важность несбывшимся мечтам “Путников вечного”, часть которых были выполнены с помощью их родных. Во время исследования были проведены анализы и мы их классифицировали в следующих разделах – а. Последний звонок, б. Мать и родина, в. Реагирование на вестей о войне, г. Версии понятия героя, д. Противостояние человек-технология, е. Создатели новой истории, ё. Переоценка жизни и мира, любящие свою родину на деле, а не в словах.

Мы надеемся, что наше исследование – новый взгляд на многослойную 44-х дневную войну, где освещается неизменная преданность и вера в победу героев солдат, их несбывшиеся мечты, с помощью их мыслей, слов, свидетельств очевидцев.

